

Mein Madine chala, mein Madine chala
Phir karam hogaya, mein Madine chala

Saaqiya mein pilaa, mein Madine chala
Masto be khud bana, mein Madine chala

Kaif-sa chaa gaya, mein Madine chala
Jhoomta jhoomta, mein Madine chala

Kya bata-o mili, dil ko kaisi kushi
Jab ye muzda suna, mein Madine chala

Muskuraane lagi, mere dil ki gali
Guncha guncha khila, mein Madine chala

Phir ijaazat mili, jab khabar ye suni
Dil mera jhoomta, mein Madine chala

Ashke thamte nahi, payon jamte nahi
Lad khadaata huwa, mein Madine chala

Mere gande qadam, aur Unka Haram
Laaj rakhna Khuda, mein Madine chala

Ay shajar ay hajar, tum bi shamso qamar
Dheko dheko zara, mein Madine chala

Dekh taray mujhe, ye nazare mujhe
Tum bi dheko zara, mein Madine chala

Rooh he muztar teher, tu nikalna udhar
Itni jaldi hi kya, mein Madine chala

Haath uthte rahe, mujh ko dete rahe

Woh talab se siwaa, mein Madine chala

Mere Aqa ka ghar, ho ga peshe nazar
Chaahiye aur kya, mein Madine chala

Mere Siddique Umar, ho salaam aap par
Aur rehmat saada, mein Madine chala

Woh Uhud ki zamin, jis ke andar makeen
Mere Hamza piyaa, mein Madine chala

Ghumbade sabz par, jab peshe nazar
Kya suroor aayega, mein Madine chala

Unke Minaar par, jab pare gi nazar
Kya suroor aayega, mein Madine chala

Mustafa ke Huzoor, apne sare qusoor
Baksh wane chala, mein Madine chala

Kya karega idhar, baandh raste safar
Chal Ubaid-e Raza, mein Madine chala

Kya he tune kaha, ai Ubaid-e Raza
Sonch to kuch zara, mein Madine chala

Lutf to jab mile, mere Murshid kahe
Chal Ubaid-e Raza, mein Madine chala